

SPLEIA

Igl slalom paralel

La notg da sonda digls 21 a dumeingia digl 22 da marz à'gl do egna brescla nev nova a Spleia. Mo la dumàn sessur e'l igl tschiel sasclarieu a l'ora sapreschantava amparnevla. 68 sportistas a sportists en saradunos par absolver igl slalom gigantic paralel, parvagnànd digl clubs da skiünzs d'Avras, Bavregn, Mantogna, San Bernardino, tals da l'Uniùn Uniùn da sport Tumpriv, digl Club da skiünzs Tambo Spleia anqual vanczadur.

Suainter la cursa a tains da l'antscheata en vagnidas partidas las captivàntas cursas d'eliminaziùn. Davent digl otgavel-final àni gieù da samasirar igls skiünzs cugls essists an duels directs. Igl duels pigl miezfinal a pigl final en sto da parcurer an duas cursas sen pistas midadas.

La victura da las damas e davantada *Carolina Barzasi* da Morbio Inferiore. Ella à dumagnieu *Claudia Buchli* an la cursa finala. Igl victur digls umens e davanto *Urs Ambühl* da Masagn. El à battieù *Ursin Marugg* cugl avantatg da stretgias 0,24 secundas.

Suainter la cursa e'gl sto igl mumaint da giuder la cumpagnia a l'ustreia a val, spitgànd la comunicaziùn da la rangaziùn. Las fatschas cuntaintas àn exprimieu, quànt anavànt c'igl sport cuminevel fetschi vantirevel a rendi cuntantientscha. La classificaziùn e da vaser sen la pagina: sctambo-spluegen.ch. (fmr/bt)



Igl duel final trànter *Carolina Barzasi* (san.) a *Claudia Buchli* (dretg). Que combat à dumagnieu *Carolina Barzasi* da Morbio Inferiore TI.



Igl duel final trànter *Urs Ambühl* ad *Ursin Marugg*. *Urs Ambühl* da Masagn à dumagnieu igl combat. FOTOS CLUB DA SKIÜNZS DA TAMBO SPLEIA